

Verðbólguþá

Spáum 0,4% lækkun verðlags í júlí

Verðbólgan enn undir markmiði SÍ

Verðbólguþá okkar fyrir júlí hljóðar upp á 0,4% lækkun verðlags frá fyrri mánuði. Gangi spáin eftir lækkar tólf mánaða verðbólga úr 2,2% í 2,1%. Verðbólga undanfarna þrjá mánuði á ársgrundvelli lækkar úr 3,0% í 0,1%. Hagstofan birtir verðbólguþölur miðvikudaginn 23. júlí. Útsöluáhrifin veiga þyngst í verðbólguþmælingum fyrir júlímánuð.

Útsölur í fullum gangi

Sumarútsölur eru í fullum gangi og lækkar verð á fötum og skóm um 10,7% í júlímánuði frá fyrri mánuði (vísitöluáhrif: -0,51%). Liðurinn húsgögn, heimilisbúnaður o.fl. lækkar einnig um 1,0% milli mánaða (-0,05%) en húsgögn og vefnaðarvörur eru á útsölu þennan mánuðinn. Undirliðurinn raftæki lækkar oftast ekki fyrir en í ágúst en þá fara raftæki á útsölu. Aftur á móti þá tók í gildi fríverslunarsamningur milli Íslands og Kína gildi þann 1. júlí þar sem tollar á innfluttar vörur beint frá Kína falla niður (sjá bls. 2). Helstu innflutningsliðir frá Kína eru húsgögn, fatnaður, skór, vélar, tölvur oph. Þar með gerum við ráð fyrir aðeins meiri lækkun á þessum liðum en verið hefur í júlí. Liðurinn önnur vara og þjónusta lækkar einnig milli mánaða eða um 0,4%.

Ferða- og flutningaliðurinn hækkar

Verð á bensíni og díselolíu hefur hækkað nokkuð milli mánaða en bensínverð hækkaði um 1,6% á meðan verð á díselolíu hækkaði um 1,0%. Liðurinn bensín og olíur hækkar því um 1,46% milli mánaða (+0,06%). Á síðustu árum hafa flugfargjöld til útlanda lækkað í júlímánuði en vegna breyttra aðferða við mælingar á flugliðnum gerum við ráð fyrir að flugfargjöld til útlanda hækki um 5% í júlí (+0,08%).

Húsnæðisliðurinn breytist lítið

Verðmælingar IFS benda til að reiknuð húsaleiga haldist nær óbreytt í júlímánuði. Einnig gerum við ráð fyrir því að greidd húsaleiga hækki um 0,2% milli mánaða. Viðhald húsnæðis hækkar minna eða um 0,08%. Húsnæðisliðurinn hækkar því um 0,05% (+0,01%) milli mánaða.


Aðrir liðir breytast lítið

Matarkarfan lækkar lítillega milli mánaða eða um 0,08% (-0,01%). Verðbreytingar hafa verið hjá símafyrirtækjunum en farsímakostnaður hefur að einhverju leiti hækkað. Síminn tilkynnti fyrir í vor að fyrirtækið myndi auka gagnamagn nettenginga viðskiptavina sinna um þrefalt til fimmtánfalt þar sem allt niður- og upphall verður mælt hvort sem það er innlent eða erlent. Hlutfallslegur kostnaður flestra viðskiptavina lækkar því vegna aukins gagnamagns í tengingum. Hins vegar hafa önnur fyrirtæki hækkað verð á nettengingum sínum. Verð á gistingu heldur áfram að hækka.

Horfur næstu mánuði


Bráðabirgðaspá fyrir næstu mánuði er eftirfarandi: +0,4% í ágúst, +0,5% í september og +0,3% í október. Gangi spáin eftir mælist tólf mánaða verðbólga 2,6% í október 2014.

Þróun verðvísitölu bensíns og olíu




Heimildir: IFS Greining og Hagstofa Íslands

Mánaðar- og 12 mánaða verðbólga



Heimildir: IFS Greining og Hagstofa Íslands

Verðvísitala fata og skóga (Áramót = 100).




Heimildir: IFS Greining og Hagstofa Íslands

Fríverslunarsamningur milli Íslands og Kína tekur gildi

Vöruinnflutningur hefur tæplega 13 faldast frá árinu 2000 til 2013, á breytilegu verðlagi og farið úr 3,7 mö.kr. árið 2000 í 47,8 ma.kr. árið 2013 (CIF verðmæti hvers árs). Vægi innfluttra vara frá Kína hefur því farið úr því að vera um 1,9% um síðustu aldamót í 8,2% árið 2013 m.v. CIF verðmæti innflutnings. Það hefur verið töluverð aukning í innflutningi á vörum frá Kína á undanförunum árum eins og sjá má á myndinni hér til hliðar. Verð á fatnaði gæti því lækkað verulega á komandi mánuðum ef verslunareigendur á Íslandi ná að flytja inn vörurnar beint frá Kína en ekki í gegnum milliliði í Evrópu. Því gerir IFS ráð fyrir lífilli lækkun vegna þessa samnings í júlí. Fríverslunarsamningurinn gæti því haldið áfram að hafa áhrif á lægra verðlag á komandi misserum náði verslunareigendur á Íslandi að flytja inn vörur beint frá Kína en ekki í gegnum milliliði í Evrópu og haldið flutningskostnaði lágum.

Þróun vöruinnflutnings frá Kína, frá 1988 til 2013



Fyrirvarar útgáfu

Þær skoðanir og spár sem hér koma fram eru byggðar á almennum upplýsingum sem IFS ráðgjöf hefur undir höndum þegar skýrslan er rituð. Helstu heimildir eru ársskýrslur, afkomufundir og hluthafafundir auk annarra opinberra upplýsinga sem birst hafa í fjölmiðlum og á öðrum vettvangi. Upplýsingar í umfjöllun eru einungis birtar í upplýsingarskyni og þær ber ekki að skoða sem tilboð á einn eða annan hátt. Skoðanir og spár geta breyst án fyrirvara. Þrátt fyrir að þess sé sérstaklega gætt að upplýsingarnar séu réttar og nákvæmar þegar þær eru settar fram getur IFS ráðgjöf, eða starfsmenn IFS ráðgjafar ekki tekið ábyrgð á villum. IFS ráðgjöf og starfsmenn félagsins taka ekki ábyrgð á því ef að gengi einstakra bréfa sem félagið mælir með kaupum á kunni að lækka og öfugt.

IFS ráðgjöf, starfsmenn IFS ráðgjafar, stjórnarmenn eða aðilar tengdir IFS ráðgjöf kunna að eiga hagsmuna að gæta varðandi einstök félög sem greiningar, verðmatsskýrslur og annað útgáfuefni IFS ráðgjafar lýtur að hverju sinni. Hagsmunir kunna að vera ýmsir t.d. sem hluthafar eða ráðgjafar í einstaka félögum, eða hagsmunir sem lúta að annarri veittri þjónustu.

© Copyright 2014 by IFS.
All rights reserved.

IFS Ráðgjöf á höfundarrétt að öllum þeim upplýsingum sem fram koma í þessari skýrslu, nema annað sé sérstaklega tekið fram. Það er með öllu óheimilt að birta upplýsingar sem fram koma í þessari skýrslu, dreifa þeim, afrita þær eða nota þær með öðrum hætti án skriflegs samþykkis IFS Ráðgjafar.